

用天

S. Tracy

3 vol


Vol 3

帝禮士

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUN 29 1949

Handwritten markings at the top left edge, possibly bleed-through from the reverse side of the page.


Handwritten markings at the top right edge, possibly bleed-through from the reverse side of the page.



新刻按

鑑編纂開

關衍繹通俗志傳卷三



五岳山人周

游仰止集

靖竹居士王

覺子承釋

軒轅氏即黃帝位第二十一回

却說黃帝。姓公孫。名軒轅。有熊

地名今河南新鄭縣

國君

之子也。母名曰附寶。乃炎帝之裔。帝裏女孫也。

一日出而野。地名見大電。遠北斗樞星。感而有孕。

懷二十有四月。生帝於軒轅之丘。亦在新鄭因名帝。

曰軒轅。帝生而神靈。弱而能言。幼而狗齊。長而

敦敏成而聰明

也敦厚也敏捷也言聖德幼而疾速也敦厚也敏捷也成謂成人也

習用干戈

干盾也戈戟也干盾皆自帝戰蚩尤以制今武用諸器械無不自帝始

以土德王。色尚黃。諸侯咸推為天子。故曰黃帝。

都涿鹿。有雲瑞。即以雲紀官。

春官為青雲夏官為緝雲秋官為白

雲冬官為玄雲中官為黃雲

又見土德之祥。而出黃龍土螾。

螾音引乃土之精也

帝大喜。脩德治兵。藝五穀。

撫萬民。度四方。始立制度。天下有不順者。從而

征之。內行刀鋸。外用甲兵。制旌麾。立陣法。披山

林。艸木而行。以通道路。然未嘗寧居其土。天下

諸侯聞知。各皆畏服。東至海濱。西至崆峒。山名今在

陝西南至江濱。北至熏鬻。匈奴別名今北狄地會諸侯於

釜山。今在保定府安肅縣帝雖都涿鹿。遷徙無常。以兵環

繞。爲營衛。法井田之制。開方有九。外八。八六十

四。分八方相守。小者爲營。大者爲衛。隅角相聯。

曲折相對。帝居於中。名曰握竒之陣。一夜睡至

三更。夢見大風。將天下塵垢皆吹去。又夢一人

手執千鈞之弩。驅羊萬羣。帝醒寤。嘆曰。風爲號

令。執政者也。垢去后在也。天下豈有姓風名后

者哉。夫千鈞之弩，異力者也。驅羊數萬羣，能牧民爲善者也。天下豈有姓力名牧者哉。次日陞殿，以夢白羣臣。羣臣皆不識其意。帝曰：卿等且退。此夢決然不妄。明日朕同卿等出獵，以訪賢能。看其果否。何如。且聽下回分解。

帝用六相治天下 第二十二回

却說風后者，山西解州人也。生於海隅之地，務農自耕，精于易數，明于天道，甘貧隱逸爲樂。一日至田中耕鋤，見天日晴和，乃唱歌曰：

上天圓圓

下地方方

生逢斯世

得遇明王

歌罷又耕。帝車駕人馬至近。風后不顧。只躬身鋤地。帝觀之良久。自思曰。其人雖一耕夫。堂堂儀表。必有可取。卽命近臣去問何處人氏。近臣領命問之。風后對曰。君臣別途。各安其事。何勞問焉。近臣以風后之言回奏。帝嘆曰。此乃賢者。非農夫也。遂下輦。步行至田畔。風后見帝步行前來。忙棄其鋤。俯伏于田中。口稱萬歲。帝扶起。

問曰。賢士何隱於此。不出代天行道。請問賢士。高姓大名。風后奏曰。臣姓風名后。才疎學淺。不堪世用。惟躬耕而已。帝聞奏大悅。命隨駕入朝。以扶社稷。風后不辭。領旨同行。正行之間。只見大澤旁一樵夫。在山林中。四顧而行。帝視良久。見其人威風凜凜。志氣昂昂。帝命住輦。卽步入林中。上前問曰。賢士何人在此閑遊。不出輔國安民。力牧俯伏奏曰。臣駑鈍之材。不足用世。故避於此。帝曰。願聞賢士姓名。力牧奏曰。臣姓力

名牧。帝聞奏大悅。顧謂羣臣曰。卿等今日方信
夢不虛矣。遂扶起。命隨駕回朝。次日陞殿。文武
朝賀畢。帝命宣風后。力牧入朝。二人山呼拜舞
於階下。帝曰。朕今得二卿。乃上天夢應所賜。如
左右手矣。卽封風后爲上相。封力牧爲上將。以
爲左右輔弼之臣。原有太常。名察乎地利。封爲
稟官。蒼龍。名辨乎東方。封爲士師。祝融。名辨乎
南方。封爲司徒。太鴻。名辨乎西方。封司馬。后土
名辨乎北方。封爲李師。力牧乃爲武職。不在內。

風后在內爲六相。帝自得六相以來，國家大治，天下太平。一日太宴羣臣而散，退宿官中。夜至三更，忽得一夢，夢見二龍於江中蟠蜒，挺白圖以授帝。帝覺自思曰：前夢旣應，後夢不虛。龍水中之物，必有竒異。遂齋戒沐浴，早朝陞殿，將夢龍事與羣臣言之。天姥欲出班奏曰：陛下試往河邊視之。天其授帝圖乎。帝允奏，卽命排駕往河邊至翠嬀川。在北直延慶州只見一大魚，沂流而來。帝謂天姥曰：子見河中物乎。天姥曰：正應夢也。

帝命排香案親拜告祝曰。朕幸得六相。今輔佐分理天下。人民稍安。昨夜蒙神復賜朕夢。謹具香花燈燭。祈禱吉凶。如凶朕自當之。如吉普施人下。黎民祝罷。那大魚泝流而上。背負白圖箱。蘭葉龜文。近岸踴躍授帝。帝知祥瑞。拜而受之。其魚翻遊而去。帝又望河拜謝。舒展視之。名曰圖錄。命侍臣捧定其箱。排駕回朝。至次日陞殿。羣臣朝畢。帝語羣臣曰。昔聞伏羲帝始受河圖。得其五要。設靈臺。立五官。以叙五事。今朕得者。

亦名河圖。內與前河圖不同。皆日月星辰之象。

教朕立星官之書。以傳後世。朕何敢不從耶。即

命羲和。欲占日月之出沒。常儀欲占月之盈虛。

車區欲占風之定息。又命大撓欲探五行之情。

占斗綱所建。定干支甲子。斗柄初昏所指月建
定天干地支以配名

命容成。名作蓋天。以象用天之形。即今之渾天儀帝問

鬼臾薩。欲曰。上下周紀。其可數乎。對曰。天以六

節。地以六制。周天氣者六期為備。終地紀者五

歲為周。五六合者。歲三千七百二十氣為一紀。

六十歲一千四百四十氣爲一周。太過不及期
可見矣。乃因五量治五氣。起消息。察法斂以作
朝歷。歲紀甲寅日紀甲子。而時節定。是歲己酉。
朔旦日南至而獲神數。日月朔望而可推也。帝
聞奏大悅。又問之曰。卿言此是得天之紀。終而
復始矣。對曰。然。又奏曰。天之紀雖終而復始。更
要造十六神。推餘分置閏月。以定四時。帝曰。何
以爲閏。蒞曰。察天時三歲一閏。多一月三十日
也。五歲再閏。共多六十日。十有九年七閏。造曆

皆起甲子於是時順而辰從之六旬謂之紀歲又復謂之文章

紀者記也帝曰善命隸首名定數算數謂九章章以明之算法等數也

以率其羨要其會而律度量衡命伶倫自大夏

之西阮隃之陰取竹于嶰溪之谷伶倫人名大夏阮隃嶰溪

並皆地名以生空竅厚鈞者斷兩節間長三寸九分

而吹之以為黃鍾之官制十二筩以聽鳳凰之

鳴而別十二律雄鳴為六雌鳴亦六以比黃鍾

之官生六律六呂候氣之應以立宮商角徵羽

五音之聲以上之制如今治陰陽之氣節四時笙簫笛管是也

之變推律曆之數起消息正餘閏也。又命勞緩
八鑄黃鍾太簇十二鐘以爲十二律。每月氣至
則葭管飛灰應之以和五音立天時正人位焉。
又命大容容成車區三人占星象各領旨而行。

黃帝制冕旒宮室

第二十三回

却說黃帝得此數臣以明曆數分朔望建餘閏
天下大治歲稔人和帝一日陞殿羣臣拜舞畢
帝曰朕作冕垂旒玄纁用玄衣黃裳以象天地

之正色。

冕俛也後仰前俯主于恭也垂旒所以蔽目也玄纁所以塞耳也今黃帝皆戴

此以陞殿玄黃者天地之正色也故上衣玄以法天下衣黃以象地

文章以表貴賤於是袞冕衣裳之制自此興焉

又教作宮室以避寒暑宮室之制自此而始也

帝見前夢不虛自作夢經十一卷頒行天下命

甯封名為陶正名館赤將名為木正名官以揮作弓

夷年作矢以威天下伯岐名作鼓吹饒角鞞鉦

以揚德建武共鼓化弧剡木為楫以濟不通命

邑侯名法斗之周旋魁方杓直以携龍解作大

輅天子所乘也以行四方由是舟車制備服牛駕

馬引重致遠。而天下利矣。設九棘之利。爲輕重
之法。以制國用。而貨幣行矣。祀上帝。接萬靈。布
政教焉。羣臣皆朝。散不題。再說帝一日設朝。怎
見得。有唐人王維早朝詩一首爲證。

絳幘雞人報曉籌

尚衣方進翠雲裘

九天閭闔開宮殿

萬國衣冠拜冕旒

日色纔臨僊掌動

香煙欲徇袞龍浮

朝罷須裁五色詔

珮聲歸向鳳池頭

聚集兩班文武。山呼拜舞畢。東西階下侍立。左

有風后。右有力牧。帝謂羣臣曰。朕有天下。其制
度。今已頗備。但有金銀食貨等物。朕分別貴賤
輕重。必以金爲上。銀次之。此爲至寶。與民變用。
不得枯竭。能碎能鎔。所以可爲後世之寶。銅錫
鉛鐵爲下。以便民打造器物。亦可爲後世之用。
卿等以爲何如。羣臣皆奏曰。我主聖明。今置此
萬世不易之寶。國家百姓。共蒙恩澤也。帝大悅。
又曰。前神農君親嘗百草。制藥性以救人。朕每
思之。藥性雖有冷熱溫平之品。但人生負陰而

抱陽食味而被色喜怒攻之於內寒暑盪之於外。天昏而亡者多矣。深憐憫之。朕自受天之命。經歷寒涼燥溫溼。五者之氣。常有疾病。朕頗知內經症治。遂命岐伯伯作內經。雷公公察明堂。究脈息。巫彭桐君二人處方餌。而人得以盡年。羣臣聞帝之言。皆呼萬壽。奏曰。聖慈言能及此。萬古一人。而世世人民受無休之福也。帝大悅。命排御宴。欸待衆臣。暮夜賜燭而散。

元妃教民養蠶絲 第二十四回

却說黃帝元妃者。西陵氏之女也。名嫫婁。有姿色。最賢德。性和慧。帝納爲元妃。帝退朝入後宮。元妃出接。禮畢。命之同坐。帝曰。朕制天下之物。民用頗便。天地之紀。幽明之占。朕今知之。但畫野分州。天下萬方。依其分野。派諸侯居焉。命匠營國。置左右大監。監於萬國。萬國以和。遂經設井。以塞爭端。立步制畝。以防不足。使八家爲井。井闢四道。而分八宅。井一爲鄰。鄰三爲朋。朋四爲里。里五爲邑。邑十爲都。都十爲師。師十爲州。

分之於井。而計於州。則地各有常居。廣布五穀。草木。使民無飢寒。行此數事得完。朕方無憂矣。元妃曰。此實我主所置。萬古不磨之善規畫也。帝大喜。元妃奏曰。臣妾日前因閒遊苑囿。見數蟲似蛾。非蛾。倚樹而棲。未數日。此蟲將身蔕於內。外結一物。員若棗樣。臣妾取而觀之。內皆經線。牽之牢而不斷。有黃白二色。各樹上徧尋之。彙齊遊絲。織而成絹。比苧麻之布。軟而嬌嫩。披之亦可蔽寒暑。又可染各樣顏色。陛下可命收

絲織之。以作龍袍。帝聞之大悅。卽傳出旨意。命各處諸侯。但山林中有蟲似棗樣者。卽取送入朝中。帝賜名其蟲曰蠶。名其棗曰繭。元妃謝恩。却說使命齎繭樣往各鎮諸侯處去取選。進至京師。帝受入。卽付元妃。元妃着宮娥人等。晝夜將繭遊絲織成絹帛段疋。揀出黃色。裁袍進帝。帝穿於身。見色嬌而嫩。細而又軟。十分歡喜。嘉元妃之功。卽發旨意。賜天下人民取繭織造。而天下紬段自此始也。後世祀元妃爲先蠶后焉。

帝道成龍迎昇天 第二十五回

却說帝自承天下以來。勤勞焦思。心力耳目。應
用水火財物。無不悉備。由是官不懷私。民不習
僞。城郭不閉。市不預價。見利不爭。風雨時若。百
穀倍生。人無夭折。物無疵癘。鷙鳥不亂搏。虎豹
不妄噬。鳥獸蟲魚。皆沾其化。夷狄之人。罔不來
貢。有草生於庭。佞人入。則直指之。今比御史曰
名曰屈軼。鶡鳳凰巢於阿閣。麒麟游於苑囿。是
謂德配天道之至也。帝直心行道。西至崆峒山。

問道於廣成子。廣成子曰：來。吾語子。至道之精。窈窈冥冥。至道之極。昏昏默默。無視無聽。抱神以靜。形將自正。必靜必清。無勞汝形。無搖汝精。存神定氣。乃可長生。吾脩身一千二百歲矣。而吾形未嘗衰。帝回來。皈依廣成子之言。遂得成道。命使取首山。在河南襄城縣之銅鑄鼎於荆山。在今禹州之陽。鼎成。忽然空中紅光顯現。有一黃龍垂髯而下。似來迎帝之狀。元妃在傍大驚。帝曰：愛卿不必驚懼。此天帝使來迎朕。卽離席騎於龍背。

元妃扯住帝衣亦隨而上。後傳宮中大臣從者七十餘人。小臣不得上者。悉持龍髯拔墮弓仰

攀莫及。抱弓而號。後因名其弓曰烏號。名其地

曰鼎湖。在陝西藍田縣玉山山下。漢武帝建宮曰鼎湖宮。帝在位一百年。

壽一百二十歲。又云葬于曲阜壽陵。傳子立。嚳立為少昊

金天氏。不知後事如何。且聽下回分解。

評曰。六術之中。律曆為要。曆以斗柄建寅。春

正月為首歲。律以黃鍾之宮聲。發於自然。為

十二律。律本度。重權衡之所由出。三者律令

正之天下田可分。祿可均。禮可制。樂可作。故律者萬事之根本也。其通變而使之倦。神化而使咸宜。垂衣裳而天下治。至和氤氳羣生安樂。鳳凰巢於阿。麒麟遊於野。甚矣哉。五帝之世也。有言帝德配天。得仙術騎龍昇天。之說。或問曰。有此乎。無此乎。對曰。有此乎。無此乎已。○或云。休嬉黃帝崩。諸侯推嬉爲帝。號有鴻氏。有別子曰。緇雲氏。娶上敬氏之女曰炎融。寔生驩堯。堯放之崇山。三苗堯竄之三

危。三苗有弟曰饗饗。又有蒼林生始均。始均
是謂北狄之祖也。表而出之。以附紀焉。

少昊卽位都曲阜第二十六回

却說少昊金天氏。乃黃帝之長子。名玄囂。母曰
嫫媧。居華渚。地名見星大如虹。下臨之祥。卽有妊。

十有一月而生少昊。黃帝之世。降居江水。邑於

窮桑。

地名今在兗州城北

故又號窮桑氏。父黃帝崩。羣臣

推少昊卽位。以金德王天下。都曲阜。能修太昊
之政。故曰少昊。自卽位以來。鳳鳥適至。衆臣朝

賀帝即以鳥紀官。譬如立鳥品若今補服也歷正官曰鳳鳥

司分官曰玄鳥司啟官曰青鳥司閉官曰丹鳥

司又立祝鳩氏司徒也睢鳩氏司馬也鳴鳩氏

司空也爽鳩氏司寇也鶡鳩氏司事也以五鳩

立官品者鳩民者也又五雉謂九工正利器用

正度量夷民者也又九扈為九農正扈民無淫

者也自帝御世諸福之物畢至爰書鸞鳳立建

鼓制浮磬以通山川之風作大淵之樂以諧人

神和其上下是曰九淵治太平天下八十一諸

侯少昊氏稍衰。一日設朝。衆臣山呼畢。各諸侯表奏有九黎作亂。妄動刁兵。百姓逃散。天下不安。帝聞奏。問衆臣曰。九黎何處人也。有臣勾龍出班奏曰。臣知九黎乃人皇氏朝蜀山氏之後。居蜀中。封爲侯。今生兄弟九人。長曰黎貪。面白。身長一丈。次曰黎巨。面黑。身長一丈二尺。三曰黎祿。面青。身長一丈一尺。四曰黎文。面綠。身長一丈五寸。五曰黎廉。面黃。身長一丈六寸。六曰黎武。面白。身長一丈七寸。七曰黎破。面赤。身長九尺四寸。

八曰黎輔。面白。身長九尺三寸。九曰黎弼。面紫。身長一丈。兄第九人。皆好兵書。善武藝。有萬夫不當之勇。今亂天下。任其橫爲。帝曰。天下諸侯。何任其自橫。勾龍又奏曰。諸侯恐非其敵手。故不敢出收伏也。帝又曰。縱九黎有勇。以諸侯之衆。衆寡相敵。安得不勝。勾龍又奏曰。非衆諸侯不能敵。天下之人。久樂太平。未經征戰。一聞兵火。先各驚懼。以神相惑。以怪相疑。家爲巫史。民瀆于祝。無有整兵出敵者。故至此大亂耳。

周靜軒曰。天下如人之一身。元氣固。則有邪不能入。元氣衰。邪氣因之而入焉。今九黎作亂。不遵王命。天下之人。相懼以神。相惑以怪。皆少昊有以啟之也。先正有言。一念之善。暖風和氣。一念之惡。妖星厲鬼。吾之心正。天地之心亦正。吾之氣順。天地之氣亦順。有天下國家之寄者。豈可不作事謀始哉。

帝曰。今他作亂。必須收伏。何以制之。庶民得安。勾龍奏曰。欲除九黎之亂。恐一二路諸侯難以

征滅。我主可頒旨意九通。召九路諸侯。每一路敵一黎。方可勦除。帝曰。那九路。勾龍曰。可召

第一路諸侯。乃炎帝朝帝裏之後。姓姜名烈。統兵三萬征進。

第二路諸侯。亦乃炎帝朝帝承之後。姓姜名鰲。統兵三萬征進。

第三路諸侯。亦乃炎帝朝帝宜之後。姓王名政。統兵三萬征進。

第四路諸侯。乃太昊朝女媧氏之後。姓邵名金。

統兵三萬征進。

第五路諸侯。亦乃太昊朝柏皇氏之後。姓平名治。統兵三萬征進。

第六路諸侯。亦乃女媧朝無懷氏之後。姓關名道。統兵三萬征進。

第七路諸侯。乃人皇朝有巢氏之後。姓風名略。統兵三萬征進。

第八路諸侯。乃人皇朝大敦氏之後。姓熊名球。統兵三萬征進。

第九路諸侯亦乃人皇朝次民氏之後。姓熊名唐。統兵三萬征進。

若得此九路諸侯之兵。共計二十七萬征進。臣亦統兵三萬爲總督。相機而動。使九黎兄弟不能首尾相顧。臣料一鼓可擒。何愁天下不定哉。帝聞奏大悅。卽頒旨命勾龍爲使。召九路諸侯。勾龍領旨辭帝出朝。前往九國。未知如何。

九侯奉旨征九黎 第二十七回

却說九黎兄弟大亂天下。自謂無敵。正在後宮

飲宴。探馬飛報曰：今有少昊帝，命勾龍爲使，召九路諸侯，兵來不遠，乞主公等作速迎敵。九黎兄弟見報，連忙商議。黎貪曰：天下諸侯八十餘國，不知召那九路黎祿曰：天下諸侯任他召來，皆非我兄弟敵手。黎貪曰：賢弟之言雖是，今他九路諸侯併至，敵我兄弟九人，務要小心，不可大意。黎祿曰：九侯若齊來，我兄弟先安下營寨，蟠曲相聯，排下七星陣。令黎輔、黎弼爲左右翼，添成九宮八卦陣。若九侯一至，我兄弟只叫軍

吶喊。切勿殺進。彼見我吶喊不進。他必殺來。一
入吾陣。我兄弟分作九方。皆從九侯中腰殺出。
彼兵必亂。定大敗矣。黎貪曰。賢弟高見。來日依
計而行。兄弟各散去。整頓人馬。準備出戰。不題。
却說九路諸侯。一日齊到蜀國。離城六十里。札
營。九侯於寨中與勾龍議曰。我等來日出陣。不
知九黎可肯降否。勾龍曰。彼兄弟九人。恃天下
無敵。未戰安肯就降。須大勝他一陣。他方肯伏。
九侯曰。來日出陣。足下用何策破之。勾龍曰。某

料九黎來日出陣。必不輕進。九侯曰。旣戰而不
進者。何也。勾龍曰。我衆彼寡。他兄弟所靠者。連
環之勢。他但札下陣脚。候我兵殺進。以實待虛。
明日我兵只對陣札下。切不可輕動。待彼一動。
然後進攻。無有不勝。九侯曰。足下高見大妙。來
日依計而行。分敵九黎。次日平明。三通鼓罷。九
侯齊出陣前。勾龍居後。九黎亦依黎祿之言。領
兵而出。排下九宮陣。勾龍一見黎氏陣勢。出與
九侯曰。不出某所料。今果排九宮陣。爲連環勢。

我兵切勿輕進。若一殺入，必遭其擒。只緊守陣頭。彼既求戰，不得定有一隊移動。我兵卽分兩路殺進。冲亂彼兵，決勝無疑矣。九侯領計黎貪，在馬上大言曰：汝等不守本國，無故興兵到此，侵我境界，搔我人民，是何道理。九侯曰：爲汝兄弟貪婪，無厭悖逆不道，吞併鄰國，殺害生靈，特命我等前來問罪。尚敢佯作不知，於陣前遮頭揜尾耶。九黎笑曰：原來爲此。我兄弟今便如是。汝等安奈我何。九侯聞言大怒，正欲招兵殺進。

勾龍急止之曰。此乃九黎之計。見我不動。故出此言。以激列位。切不可動。九侯依允。九黎見激。不動。自相言曰。我等以言激之。彼毫不動。不知何人主兵。黎輔黎弼曰。彼敢來我國。我不先下手。只待彼殺我。豈不被天下人恥笑乎。兄等中間。七人勿動。我二人於左右殺進。勝則七隊勿動。敗則殺進救護。可不美哉。七黎曰。也說得是。二黎卽放起號砲。放兩路殺進。勾龍看見。引分八侯於兩路迎敵。自同一侯從中殺去。九黎之

兵見兩路之兵漫山寨野而來不戰自亂中間
勾龍冲來勢不可當九黎兄弟如何抵敵大敗
而逃奔入城中堅閉不出九侯離城十里下寨
安營九處以防出敵九黎兄弟敗走入城心中
懊恨黎貪曰勝敗兵家之常何必煩惱今兵臨
城下將至濠邊須思計策退之安可坐守以受
其困黎輔曰此一陣是我等欺敵太過自取戰
敗今亦不可太急我等且自忍耐我家糧草足
可支三年彼軍遠來利在速戰莫若遷延多則

半年少則三月。我等只閉城堅守。彼求戰不得。必然思歸。使人打探彼糧盡。欲逃之時。我等整兵四出追之。可獲全勝。以消前恨。九黎皆大喜。曰。好計好計。卽傳兵卒緊守城池。還是如何。

勾龍攻城暗退兵第二十八回

却說九侯一日陞帳。問勾龍曰。九黎自敗入城。今經月餘。併不出戰。足下高明。此是何意。勾龍笑曰。九黎自亂天下。擄掠人民。聞他城中積有四五年糧草。前被我兵殺敗。不出敵者爲退守。

計也。彼料我兵遠來糧草不接。求戰不得。必然思歸。若一退兵。彼兵從掩殺來。無不勝理。九侯聞言大驚曰。我等深入其地。中彼計矣。勾龍曰。諸君放心。某料九黎有勇無謀。但只倚九宮陣爲勢。前以大敗。今不敢遠出。爲今之計。諸君可傳號令。來日俱用火鎗火箭火銃火砲攻城。若城一破。九黎可擒矣。若城不破。一面攻城。一面退兵。埋伏兩軍於山林之中。放砲爲號。以防追兵。日則攻城。夜則退兵。此保全之計。若得糧盡。

退兵九黎知道後兵追襲我等退之不及反遭其害矣。九侯大悅。卽密傳令來日依計而行。三軍準備攻城之物。次日平明。九路諸侯各領兵齊至城下。城上九黎分守四門。城上城下大喊滾木擗石。火炮火銃。火箭。上下攻打。直至黃昏。九侯收兵回營。卽傳令留下更鼓手。傳點各寨。俱帶乾糧。漏夜退兵。次日埋伏兵。見無追兵。亦各退回大路相會。九路諸侯各領本部人馬辭別。各歸本國。勾龍亦領兵回朝。却說九黎

分付城中嚴加防守。恐衆諸侯又來攻城。一日不見諸侯兵出。心中甚疑。兄弟自相議曰。昨日攻城何急。今日不見兵出。此是何意。黎文曰。莫非別生計策。今夜偷入我城。黎武曰。非也。但各嚴守。且看明日何如。兄弟各去防守。次日又不見兵出。正在疑惑之際。探馬來報曰。昨夜城外諸侯寨中。並不聞更鼓之聲。不知何意。黎巨曰。必是糧盡。徹兵暗自退去。黎廉曰。不可造次。聞勾龍詭計甚多。見我兵不戰。此引敵之計。黎武

曰。追之不可。待小弟哨探看其虛實。黎貪曰。賢弟務宜仔細。黎武帶了三千人馬。使小卒至各寨邊密探。並不見有一人。小卒回報曰。俱是空寨。但不知四路可有伏兵。黎武曰。無矣。皆糧盡暗逃矣。卽催兵殺進。果然俱是空寨。黎武回城中見八黎曰。諸侯皆逃矣。只畱空寨。亂堆煙火。以惑我軍。及早追趕。諸侯可擒。黎貪曰。不可。已去三日矣。追之無益。彼旣已去。我等只是緊守各處關隘。八黎皆曰。長兄所見大妙。九黎兄弟

作一大筵盡醉而散。話分兩頭却說九路諸侯
 各回本國。勾龍回朝。那日少昊陞殿羣臣拜舞
 已畢。勾龍入奏前事。帝聞奏大悅。重加勾龍陞
 賞而退。自此天下稍平。八方無事。帝在位八十
 四年。壽一百歲。葬于雲陽。山名在曲阜縣故後世又曰
 雲陽氏帝無嗣。衆臣立帝兄昌意之子高陽氏
 是為顓頊帝。不知後來如何。且聽下回分解。

顓頊高陽氏即位 第二十九回

却說顓頊謂之顓頊者何也顓專也頊正也若能專正天下之道故謂之顓頊也若

高陽氏姓姬祖曰黃帝。父曰昌意。娶蜀山氏之

女名曰昌僕。是爲女樞。一日有月出感瑤光。貫

月之祥。因懷孕。十有二月。生帝於若水。地名年十

歲。幼而神靈。聰明敦敏。年十二。佐少昊。二十歲

卽帝位。以水德。紹金天氏爲天子。初國於高陽。

邑名今北直保定府所屬故號高陽氏。復都於帝丘。今山東

濮州是也。以少昊四子爲佐。長曰天。重次曰地。該。三

曰人。脩。四曰和。熙。爲金木水火四官。又以炎帝

之子勾龍爲土官。共爲五官。以正五行。以少昊

之子黎高陽孫名重封爲正官。司天治曆明時之類。屬神明祭祀以恥屬之也。司地度地居民政教以連屬之也。帝治天下絕地通天無相侵。瀆神人不雜萬物有序。民安其生焉。話分兩頭。却說九黎兄弟。自九路諸侯退兵之後。亦不敢出亂天下。聞少昊崩顓頊卽位。兄弟自相議曰。我兄弟前者本欲滅諸侯王天下。不想中勾龍之計。敗於九路諸侯。今新天子卽位十七年矣。朝中衆臣無能。我等兵精糧足。正好此時興兵。

殺入高陽殺了天子。我等兄弟分作九國以治天下。有何不可。黎巨曰：先言最當。但我等此行定以必勝爲主。決不可如前我等兄弟相離。但逢敵兵務要首尾相應。排下九宮陣。彼不能攻。方爲全勝之計。黎貪曰：賢弟之言極是。卽傳下將令。統兵三十萬。擇定八月一日。以黎輔黎弼爲左右大先鋒。逢山開路。遇水搭橋。凡經過處。一片火飛。人民不勝其苦。州縣官軍望風而逃。却說顓頊帝一日陞殿。衆臣朝畢。傳表官奏曰：

今蜀中九黎復反。統兵三十萬。不久殺至高陽。望主上速降聖旨。召兵以救百姓。倒懸之急。帝聞。奏顧謂勾龍曰。先帝在日。九黎作亂。得卿召九路諸侯。征之久。不敢出亂。朕今卽位。彼兄弟原心不改。又復作亂。卿今以何策滅之。勾龍奏曰。九黎作亂。臣前奏先帝統九路諸侯以征之。一戰遂困九黎。因糧草不足。權且退兵。久欲備糧。整兵再會諸侯伐之。又遇先帝賓天。今我主卽位。臣亦密察九黎未敢妄動。故未奏聞。不想

九黎狼子野心。又復反亂。幸逢聖上鄒屠皇后。生有太子九人。俱聰明智慧。勇冠三軍。乞陛下宣召太子來。臣爲叅謀。發兵十萬。可滅九黎矣。帝曰。太子雖勇。未經臨陣。恐非其敵。勾龍曰。我主放心。臣雖不才。今爲叅謀。賴王上洪福。太子勇力。九黎乃無謀之輩。臣料一陣可滅矣。帝聞奏大悅。卽傳旨宣太子九人至殿。太子等奏曰。父王宣兒等有何旨意。帝曰。蜀中九黎作亂。妄動刀兵。勾龍舉保汝等兄弟九人。賢能領兵前

去征伐未卜汝兄弟肯去否。九太子齊聲應曰
兒等不肖。旣勾龍保舉。乃國家大事。安危所係
焉敢有辭。帝大喜曰。朕觀汝九人。足可敵九黎
但行軍非細事。宜聽勾龍約束。務以決勝爲主。
毋負朕望。太子等拜謝。帝封大太子輅明爲總
督統兵大元帥之職。勾龍爲征黎都參謀。封八
六子皆爲將軍之職。各賜金花二朶。御酒三杯。
一箇箇耀武揚威。辭帝出朝。衆臣齊送於教場
中。整點人馬。不知出位如何。下回便見。

九太子征伐九黎第三十回

却說勾龍生得身長一丈。面如冠玉。峩冠束髮。先至演武廳以候九太子。且看九太子怎生打扮。出兵。真個是朝中天子。二宣闔外將軍。一令只見十萬大兵。燕翅排開。幟械鮮明。隊伍不雜。軍中奏樂三番。畫鼓三通。單等太子到來。

長太子名輅明。年二十四歲。生得身長一丈三尺。白面長髯。朱唇皓齒。頭戴紫金冠。身穿百
花錦戰袍。手提丈八鎗。坐下千里白龍馬。

二太子名蒼舒。年二十三歲。坐得身長一丈四尺。白面烏鬚。頭戴鳳翅紫金盔。身穿大紅錦戰袍。手提三尖兩刃刀。坐下追風青驄馬。

三太子名瓚愷。年二十二歲。坐得身長一丈二尺。面黃鬚赤。頭戴束髮冠。身穿綠錦袍。左弓右箭。手持方天畫戟。坐下一疋黃驃馬。

四太子名禱戩。年二十一歲。坐得身長一丈三尺。烏鬚赤面。頭戴虬龍金盔。身穿青錦戰袍。手提兩口青鋒斬妖劍。坐下一疋紫驊騮。

五太子名大臨年二十歲生得白面烏鬚身高
一丈二尺頭戴紫金盔身穿鎖子黃金甲紅
袍白馬手提偃月銅刀左弓右箭。

六太子名龐暉年十九歲生得青面赤髮身高
一丈二尺頭戴爛銀盔身穿綠錦戰袍手持
月樣宣花斧坐下一匹逐電烏龍馬。

七太子名庭堅年十八歲生得面赤口方身高
一丈一尺頭戴蟠龍盔身穿百花錦征袍手
提兩柄流金鎗坐下一匹棗騮駒。

開元名錄卷三
八太子名仲容。年十六歲。生得身長一丈一尺。面黃無鬚。頭戴四鳳。盛身穿絳紅袍。黃金甲。身持丈八蛇矛。坐下一匹千里粉青馬。

九太子名叔達。年十五歲。身長一丈。白面朱唇。髮剛齊。眉未冠。頭戴束髮冠。身穿紫錦袍。腰繫八寶玉帶。手持虎尾鞭。坐下一銀褐馬。

勾龍見九位太子齊至教場而來。忙下座出轅門外迎接。入到演武廳上。一一相見畢。次序坐下。茶罷。太子輅明言曰。我等承保舉奏父王統

領兵征黎明等兄弟無能恐負先生所薦凡有不識皆賴先生教之勾龍曰九黎所倚仗者乃得一九宮陣法首尾相連爲勢凡他出兵必是此陣此陣造次不可攻若一攻之定然遭其計太子曰似此何法破之勾龍曰此亦不難但要觀其動靜若有一動便分兵三路殺進彼必敗走若走之時分付軍士各帶行糧曉夜追趕則九黎可擒矣太子曰承先生之教頓開愚茅塞但不知九黎今到何處言未畢小卒報曰九黎

領兵一路。逢州殺州。遇縣刦縣。無人敢敵。望風
投降。已殺至高陽。只差二三百里。望太子速去
迎敵。太子聞報。問勾龍曰。足下高明。今日用何
策勝之。勾龍曰。臣聞帝丘地名地坦廣闊。甚好
安營待敵。太子宜速去先占。以得地利。只恐
九黎先占。難以復奪。太子忙傳軍令。三軍今夜
要到帝丘。三軍怎敢消停。人如流水。急馬似疾
風吹。帝丘早到。勾龍卽排九個大寨。爲九龍陣。
太子大喜。禮營已畢。却說黎貪與八弟曰。此處

高陽不遠。惟帝丘地廣。可以下寨。衆弟催兵速行。先占地利。以便出戰。勾龍有謀。倘彼占去。我兵無處存立。八弟得令。催兵趨行。細作報曰。今顓頊帝命勾龍爲參謀。九太子爲將帥。統精兵十萬。已在帝丘待敵。九黎聞報。大驚曰。吾只料顓頊必召天下諸侯。勾龍爲使。一時諸侯不至。我兵急進。高陽可得。顓頊可擒。誰知不召諸侯。乃用九子爲將帥。不知九子是何名。智勇何如。九黎有一臣。姓樂。名利出奏曰。臣知九太子名。

黎貪曰。汝既知速言之樂。利曰。此九太子皆帝
后鄒屠氏所生長。名輅明。次名蒼舒。三名隕愷。
四名檣戴。五名大臨。六名龐降。七名庭堅。八名
仲容。九名叔達。俱善兵書武藝。皆有勇略。主公
不可輕敵。九黎曰。比前那九路諸侯。何如樂利
曰。前九路諸侯。全仗勾龍指示。今九太子皆有
才能。非九族之比。九黎曰。我兄弟有九宮之勢。
彼縱有能我等。但不相離。彼無有我九宮之勢。
來日出戰。便見端的。

九太子大戰九黎 第三十一回

次日平明九黎按下九宮陣法。遂披掛出馬。立於陣前。這邊九太子亦同勾龍領九隊人馬。按九龍陣。立馬於陣前。兩下隊伍分開。黎貪出陣。叫曰。休放冷箭。請對陣。將官出馬答話。長太子聽見。卽同勾龍並馬而出。問曰。來者莫非黎氏兄弟乎。黎貪曰。然。勾龍曰。汝等不遵王法。暴亂天下。先帝命某召九路諸侯。一陣而因汝兄弟。欲汝等改過前非。故徹兵回。以饒汝等殘生。自

先帝崩後。今逢聖主。寬洪大度。到未發兵。剿誅汝等。尚不思恩。改過。乃敢妄起賊兵。橫行犯上。有何話說。黎貪聽罷。笑曰。汝乃一書生也。前我兵敗受困。候中汝計。汝等舉朝臣子。合尊我兄弟爲帝。猶可將功贖罪。稍延狗命。正來報讐。又敢引九太子抗敵耶。長太子聞言。咬碎銀牙。手舉丈八點鋼鎗。直取黎貪。黎貪舉刀交還。兩下大戰五十回合。不分勝負。次太子見兄勝不得。黎貪舞三尖兩刃刀。拍馬夾攻。黎巨出馬揮義

敵住。四將于陣上。大戰猶四國天王。大鬧天宮。
三太子見二兄戰不下二黎。手持方天戟。一馬
殺上。助戰。黎祿看見。持鎗殺出。各鬪一百回合。
勾龍見天色已晚。恐太子有失。急令鳴金。兩下
俱各收兵回營。却說太子下馬。與勾龍曰。某愚
兄弟正欲擒拏九黎。先生何故鳴金。勾龍曰。某
見九黎兄弟悍勇。非力可敵。容某定一計破之。
太子曰。全仗先生妙算。是夜各回本寨。防守去
不題。却說九黎回營。兄弟議曰。帝子九人。今日

吾兄弟三人戰他三人不能取勝更有六人未曾出陣不知那六人武勇何如若似此三人則吾等帝業光景難成不如趁此全師暫且退回再作理會黎文等六人齊聲應曰長兄何長他人志氣滅自己威風明日我六人出陣如戰不勝回亦未遲三兄依允次日六黎各持兵刃齊出討戰小卒報入太子營中太子卽請勾龍計議勾龍曰昨日戰者乃大黎貪次黎巨三黎祿皆不能取勝而回今日出陣必文廉武破輔弼

六人也。見昨日三兄不能勝，心中大忿。故出鬪戰。太子曰：「既然如此，却用何策以破之？」勾龍曰：「今彼大忿而來，銳氣正熾，不可出戰。容某略施一小計擒之。」太子兄弟六人曰：「我三兄昨日戰他三黎，他兄弟六人今日敢來出戰，我亦有兄弟六人，豈可坐視而讓彼耀武揚威乎？今日不勞三兄出陣，待某六人戰彼六黎，如不勝，甘當軍令。」勾龍曰：「既太子昆玉六位要行，某亦欲觀其動靜，但戰不勝，聽某鳴金收兵，不可有悞。」

自用計破之。六太子聞言，懽喜領命。辭三兄上馬。勾龍曰：「請三位太子亦於陣前觀戰。」三太子依允。勾龍亦上馬隨行。齊至陣前，催戰鼓三通。兩軍相對，陣勢排開。這邊六太子立馬陣東，那邊六黎立馬陣西。兩邊各通罷姓名，各尋對手。廝殺十二員將，戰于帝丘。地名陣止。這一場大戰，怎見得刀來鎗架，斧去鎚迎。刀來鎗架，眼慢些兒喪三魂；斧去鎚迎，手息些兒崩七魄。只殺得天昏地暗，日月無光；神愁鬼哭，霧慘雲悽。此陣

名九太子帝丘大戰九黎。有詩爲証。

鞞鼓驅狸勉搏羊

城邊白骨泣灰霜

封侯亦足延孫子

何事貪心起不祥

六太子與六黎正是敵手。各盡其能一對對的

迎敵。生死不捨。於陣上廝殺。一刀一鎗。來來往

往。如走馬燈兒一般。兩邊三軍俱看得癡呆了。

自卯殺起直至酉。不分勝敗。勾龍於陣後看見。

恐太子有失。急令鳴金收軍。兩家罷戰。各自回

營。未知勝負如何。且看下回便見。

勾龍退圍滅九黎 第三十二回

却說九太子回營。大太子與勾龍曰：今日某於陣後觀戰，見九黎兄弟刁法純熟，勇猛過人，若以力敵，終有一損。先生有何妙策，須計勝之方。美。勾龍曰：太子放心。某亦觀其動靜矣。力敵決不能勝。某用一退圍計，必然勝之。太子曰：何爲退圍計。勾龍曰：太子昆玉二次大戰，皆是比對而敵，所以未得獲勝。明日彼必料我亦只用力敵，彼又齊出混戰。明日請五位太子出敵，却教

四箇副將。假裝四位太子。立於陣後。使彼不疑。彼見太子九人齊出也。必九黎兄弟皆來迎敵。我軍擂鼓吶喊。先殺過去。彼定忿怒殺來。太子昆玉可略戰數合。佯敗而走。見我敗走。彼必力追四位真太子。分左右埋伏於林木茂深之處。候九黎趕過。卽放起號砲。四太子於林中左右殺出。斷其歸路。五太子又番身殺回。將彼圍於垓心。則九黎可擒矣。九太子聽勾龍言退圍計。各踊躍大喜。皆去準備。次日平明。四箇假太子

立於陣後。五太子立於陣前。三軍擂鼓吶喊。索戰。九黎兄弟披掛出馬。大太子曰。我祖父有何虧汝兄弟。却不守本土。混併諸侯。苦害生靈。今日擒住。汝莫後悔。長黎曰。自盤古三皇以來。爲君爲臣。非是一姓。都輪流換做。今汝父祖無德。應該讓。我兄弟却不早早將天下雙手貢獻上。致我兄弟忿怒。起兵來取。汝若曉事。免得交鋒。太子曰。汝兄弟若要爲天子。今日一戰。便分君臣。兩家各排開陣勢。各展手中兵刃。一十八人。

交馬混戰。那四箇假太子如何敵得四黎。敗陣先逃。五太子看見亦隔開五黎兵刃。詐敗而走。三軍大亂。棄甲拋戈。丟下糧草車仗。塞滿道路。九黎怎知是計。招動人馬忿怒起來。五太子見九黎中計。且戰且走。過了埋伏之處。心中暗喜。九黎傳令三軍速迂過林。若捉得一太子者。賞黃金千兩。三軍得令。只顧趕來。言尤未了。忽聽得一聲砲響。林左二太子殺出。林右三太子殺出。前面五太子整兵殺回。將黎兵冲作兩三截。

九黎大驚。兄弟合聚一處。殺回原路而逃。林中
四太子用絆馬索。早絆倒黎氏兄弟五人。乃是
四文五廉六武七破八輔。走去長貧次巨三祿
九彌。此一陣殺得九黎之兵十喪八九。尸橫徧
野。血流成渠。走脫一似喪家之狗。得命如同漏
網之魚。不說四黎逃走。且說五黎被勾龍捉住。
左右押見太子。數其罪而斬之。傳首號令天下。
勾龍曰。今九黎已誅。其五人心膽俱裂。
必須星夜兼程。趕至蜀中。以絕其根。不然。但恐

萌芽復發。尤太子猛省曰：先生不言，吾幾忘之。忙傳號令，起兵連夜追趕。却說四黎不顧三軍，只顧逃回。相隨者止二三百人。忽小卒來報說：五黎被絆馬索絆倒，今皆斬首。號令天下。四黎聞報，下馬相抱大哭，哭聲未絕。小卒又報說：有尤太子之兵追至矣。長黎大驚曰：兄弟已死，五人况連日奔走，人馬困乏，如何抵敵？不如自縛投降，以免一歎。九黎弼曰：兄長是何言也？吾兄弟九人同心竭力，以圖大事。事既不成，有歎無

生豈可屈膝降人哉。彼兵追至小弟，斷後一邊，殺一邊走。若有危急，兄速回國起兵，代我報仇。黎貪曰：弟宜謹慎，倘逢敵兵，不可戀戰，只可脫身為上。四人大哭而別。黎弼單人，歎馬怒目，橫刀立于路口。却說太子領兵正追之際，前軍飛報太子言：黎弼獨馬阻路。勾龍曰：彼兵敗將亡，縱有一人之勇，又何足思。卽傳令弓弩手四面射之。黎弼見四面矢來如雨紛紛，以刀撥之，身帶重傷，尚自怒目揚眉，手不放刀。至歿而身不

倒。其馬被弼兩腿挾住不能走脫。亦被箭射歿。
後人看到此處歎其驍勇作詩弔之云

橫刀立馬殿狼犇 蝟矢孤身野戰昏

明月似憐堆恨處 宵風宿艸隱英魂

却說長黎貪次黎巨三黎祿得九黎弼單人獨
馬阻住後軍纔得走回本國。將城門緊閉分付
兵卒用心把守。有小軍後走回者報說九大王
被亂箭射歿。三黎聞報放聲大哭曰。吾兄弟九
人橫行天下五十餘年。不想今日遭勾龍詐謀

損去我第六人。此冤不共戴天。言未訖。哭未止。小卒忙來報曰。稟上大王。今有勾龍同九太子領十萬大兵。殺至蜀境。只差百里之遙。望大王速作定奪。三黎聞報。大驚曰。今日之危。何以解之。黎祿曰。事到如此。彼我乃生歿之讐。決無降理。我欲降之。彼亦不容。今城中尙有可支一年之糧。三萬之兵。二兄領二萬兵守城。我領一萬兵出戰。勝則二兄殺出相助。敗則堅閉。勿出。久則有變。思計破之。何必自相驚疑乎。黎貪曰。賢

弟之言雖是。但我等勢窮力盡。軍心離散。縱有兵三萬。不肯捨死出陣。不如投降。免死亦未可知。黎祿曰。二兄爲六弟遭害。倘不准降。悔之何及。不如戰死沙場。還得留名于古。待弟戰之不勝。再降未遲。二兄見阻。黎祿不住。只得點人馬一萬與之出戰。黎祿披掛綽鎗上馬。大開城門。別二兄殺出。高陽兵看見。報入中軍。九太子各領兵來迎。兩陣對完。黎祿出馬。正是讐人相見。心頭火起。面目通紅。更不打話。手撚長鎗。望

大太子輅明便刺太子大怒舉鎗交還兩邊金鼓震天三軍吶喊助威約戰六十回合不分勝負八太子見兄羸不得黎祿各持兵刃八面殺進黎祿如何抵當左冲右撞不能得出城內兵少不敢出救平明圍至黃昏外無救兵料不能出重圍氣力已盡大呼曰吾圍在此不怕死者向前八方兵卒見其勇猛俱不敢近其身只將矢石望中央攻之黎祿遮隔不及大叫一聲遂自刎而死衆兵向前斬其首級回報勾龍令持

去城下招降。黎貪黎巨在城上看見黎祿首級。又聽得城外三軍叫降之聲不絕。二人見光景若此。如萬刃剗心。仰天大慟曰。兄弟九人已喪。其七我二人更有何面目出降。立于天地間乎。卽先盡殺家屬。二人自刎而亡。百姓大開城門。香花燈燭迎接九太子入城。至公堂坐定。百姓奏說黎貪黎巨自刎而死。太子卽出榜安民。盡將黎氏倉庫分賞人民。百姓大悅。太子起馬回朝。百姓遮道而送。正是喜孜孜鞭敲金鐙響。笑

盈盈齊唱凱歌回。後人嘆勾龍善謀。有詩爲証。

屢壓紅塵白羽揮。陣前飲血凱歌歸。

九黎妄起奸謀意。徒費泉京幾處悲。

顓頊滅黎伏四夷。第三十三回。

却說顓頊帝一日陞殿。羣臣山呼拜舞畢。帝曰。勾龍同朕九太子伐黎。今經一載。前表奏已僂。六黎三黎。走回本國。我兵追去。不知近日勝負若何。言未訖。傳表官奏曰。太子入蜀。三黎皆喪。今同勾龍回在朝外。未敢擅進。先具有表奏聞。

我主帝卽傳旨宣九太子勾龍入朝。太子勾龍
得旨。隨拜伏階下。奏明征戰之事。帝龍顏大悅
曰。前勾龍保卿兄弟九人以征九黎。朕心甚憂。
不想卿兄弟今果幹奇功。卽封勾龍爲天下總
制使。賞黃金一千兩。白銀二千兩。彩段一千疋。
封九太子爲九團營都總兵。亦各賜黃金千兩。
白銀二千兩。綵段千疋。勾龍九太子一齊謝恩。
帝命大排御宴。慶賀太平。以待衆臣。是夜忽見
五星會於天曆營室。

宮度宿名

帝大喜。顧謂羣臣曰

是時冰凍始泮。蟄虫始振。雞始三號。天曰作時。地曰作昌。人曰作樂。今觀五星會於天曆之瑞。朕今作曆。日以孟春之月爲元。則鳥獸萬物莫不惠和矣。曆日一成。朕卽命飛龍氏召會八風之音。爲圭水之曲。以召氣而生物。浮金效珍。於是鑄爲鐘。作五基六音之樂。以調陰陽。享上帝。朝諸侯。行四時祭鬼神。制義理。使四時五行之氣輪流不息。以潔神祭祀。而教化萬民。卿等以爲何如。羣臣咸奏曰。我主上今釁立此數者。則

天下之民無不沾恩矣。帝大悅。是夜君臣盡懽

而散。次日早朝。帝傳旨命該部行之。自此北至

幽陵。順天府南至交趾。即今交世西至流沙。今西涼張掖居延縣

東至蟠木。東海中有山名度索。上有大桃木。委蛇蟠曲三千里。四遠皆平。

但來朝貢。帝大喜。重賞衆臣。而退。帝入後宮。有

皇后鄒屠氏。皇妃漬氏。皆來接駕。宴帝于後宮。

忽沾風露。得疾不起。數日而崩。在位七十八年。

壽九十一歲。葬于濮陽。地名已注前下不知後事若何。

且聽下回分解。

附紀。顓頊帝娶鄒屠氏之女爲后。生九子。卽
征九黎者是也。妃濱氏止生一子。名卷章。又
庶出一子。名窮蟬。又庶出一不才子。名檮杌。
○皇后八子。自蒼舒。隤愷。檮戴。大臨。龐降。庭
堅。仲容。叔達。人知其賢能。稱齊聖。廣淵明。允
篤誠。天下人謂之八愷。○大太子輅。明姓妣
氏。生伯鯨。鯨生禹。是爲夏后氏。○卷章娶妻
名女嬌。生子名黎。及回代。祝融於高辛氏。世
黎生子曰陸終。終生子六人。曰樊。曰惠。曰錢。

鏗。曰會人曰豐姓曰季連樊封於昆吾。錢鏗

封於彭。地名古彭城今徐州是也是謂彭祖。自堯歷夏商

壽八百歲。喪四十九妻。生五十四子。有一孫

名元哲。封于韋。是謂丞韋。昆吾丞韋常夏之

世代為諸侯。季連芊姓。周時其後封楚國。

窮蟬生子曰敬康。康生句望。望生螭牛。牛生

瞽瞍。瞽瞍生舜。是為有虞氏。顓頊之裔孫曰

女脩。生子曰大業。業之妻名女章。生子大費。

是為伯益。佐禹王治水有功。舜帝賜姓嬴氏。

禹薦於天者其長子大廉後為秦為趙二國

帝嚳高辛氏即位

第三十四回

却說少昊之孫帝嚳

嚳者極也言其能施行窮極有道德者也姬姓

父曰皞皞極母名國英懷妊十一月而生帝生

而祥靈母見其神異自言其名曰爓

鑑云帝名爓音乙史

記作爓韶齒音凋謹毀齒也有德年十有五佐

顓頊帝受封於辛地名年三十以木德代高陽氏

為天子以肇基於辛故號高辛氏後徙却於高

地名今河府偃師縣○少昊之前天下號為辛氏顓頊之後天下號因其姓高陽氏大抵古人

氏號皆因名顓頊帝嚳皆以字爲號故上古質朴不似今人華飾也帝嚳登位羣臣朝賀山呼拜舞畢帝曰朕今承位自不敢私其身欲普施利物救民之急明鬼神而敬事之欲作曆昃望晦朔日月若未至而迎之過而送之順天之義卿等以爲何如有臣咸黑人奏曰我主舉動應天時衣服如士服其廉如此日月所照風雨所至莫不順從更得正曆朔昃望晦有定使天時人事兩相和合仁而威惠而信普天之民無不戴德興樂而歌太平矣帝大悅又

曰。今天下財用不足。朕知峒山之地。出銀甚多。卿可領旨前去。教其打鑿。取出帶回。製作民用。不可怠慢。咸黑領旨。辭帝而行。帶五千人馬。直至銀坑峒山。四面皆石壁。巉巖。毫光冲天。咸黑令軍士且安下營寨。次日宰殺猪羊。祭告天地已畢。分付軍士各用鐵鎚鐵鑿。輪流打鑿。鑿下者。其色青。硬如石。用火燒煉。鎔出皆銀。不半年之間。得銀數百萬斤。咸黑傳令。盡數裝載回朝。却說帝。嚳陞殿。與衆臣正議取銀之事。內臣備

奏咸黑取銀已回。帝命宣入咸黑入見山呼畢。帝問曰。卿取銀鑛之事。有無何如。咸黑奏曰。仗主上洪福。得銀五百萬斤。帝聞奏大悅。咸黑又奏曰。臣前至峒山。打入銀坑。取出者。其色青硬如石。用火熬之。其銀流出。臣料此物。天下必更有。臣帶有未鎔者數百斤。回朝我主上可頒分天下。有是物之處。令土民看之。但山坑內有石似此顏色者。命民取而鎔之。則其獲利無窮也。帝大喜曰。卿言是也。卽頒旨命使臣發鑛式與

天下各鎮諸侯令發士民觀看照式取鎔鑛銀
重賞咸黑衆臣朝散却說各路諸侯得頒鑛式
卽發守臣令民尋取或有打出鎔成鐵者或鎔
成銅錫鉛者俱各申奏帝知天下後世銅錫鉛
鐵自此而廣矣帝有四妃一乃有邠氏之女名
曰姜嫄與帝禱於上帝而生子曰稷周之始祖次乃
陳鋒氏之女名曰慶都有感赤龍之祥孕十四
月而生子曰堯于丹陵地名三乃有娥氏之女名
曰簡狄祁嗣于立丘地名得立鳥五色卵之祥而

生曰契商之始祖四乃媿訾氏之女名曰常儀生子

曰摯帝摯在位七十五年壽一百五歲而崩葬

於頓丘地名在大名府清豐縣是子摯嗣位

堯率八元諫帝摯 第三十五回

却說摯帝既即天子之位為人剛勇生得紫面

黃鬚肩直目露言語涩滯初坐金殿文武朝賀

畢摯帝即曰卿等可查各處地方無論官民但

有精麗女子可報花名奏上取選入朝以充官

掖之用朕先君曾敎各諸侯取鑛銀民皆多得

財寶貨殖。朕今頒旨。每以十分之二。抽入應用。以酬先君之德。卿等以爲何如。衆臣俱不敢對。目目相視。只唯唯而已。帝嘗有二庶子曰寔豹。曰闕伯。俱不才。亦列朝臣。好荒淫。見摯帝好色貪財。衆臣不對。二人出班奏曰。兄王欲抽鑛財。而取笑女。某二人不才。願往各鎮查訪。取入朝中。以便御用。帝聞奏大悅曰。御弟若肯効勞。朕其賴之。卽當殿加封。二人爲天下正副都總討。頒旨着其速行。二人辭帝出朝。各點一千人馬。

分兩路而行。羣臣朝散。有臣大業、仲容二人同
衆臣於朝館議曰：今君行不仁之政，差二不才
往天下採取民物。倘民心一變，何以處之？我等
可入堯府，奏知此事。衆臣皆曰：二公之言極是
有理。遂俱同至堯府。却說堯王在府，亦知摯帝
差使民間取討財物女子，正爲此事。差人去請
八元。商議上諫，且說八人是誰。乃帝嚳庶出子
皆賢明正。大名曰伯奮、仲堪、叔獻、季仲、伯虎、仲
熊、叔豹、季狸。八兄弟忠肅恭懿，宜慈惠和天下。

人謂之八元。八人早到見堯禮畢。茶罷。正議入朝。欲上諫章。忽門官報有朝臣大業仲容同百官至府。謁見主公。未敢擅進。先行通報。堯令召入百官。進見禮畢。堯曰。列卿至此。有何見論。百官奏曰。主上今差寔。豹闕伯往天下採訪民間財物女子。此無道事也。況此二人。又非忠直者。害中加害。民何以安。臣等特爲此事。求見大玉。可速入朝諫止其事。倘或不然。一旦不測。天下不易保也。堯曰。某正爲此一事。今請八弟在此。

會議明日必入朝奏止是事卽命八元與衆臣相見衆臣見堯先已有意上諫各各大喜辭堯而回却說摯帝自卽位之後不理國政或半月一設朝或一月一登殿朝夕與后妃飲宴荒淫無度堯率八弟伺候五日不得面君次日乃同八弟直入後宮見帝后飲宴向前俯伏山呼帝驚問曰御弟至此有何表章堯曰臣聞三皇以至于今爲君者未有利於民今我主不理國政荒淫無度貪財好色又差寔豹闕伯出罰民

財取民美女倘諸侯心變何以處之帝曰朕聞
士民尚有一妻三五妾者豐衣足食金玉滿籩
朕承祖父之業爲天下之主抽諸侯之財稅取
民女充宮闈有何荒淫而諸侯敢有異心欲朕
不如一富家翁耶卿其可乎堯伏不起八元齊
聲諫曰主上若不聽堯諫執迷不悟只恐禍至
無日矣帝不荅談笑自若顧與后如飲酒喝左
右逐退出宮又差姬人名摯腹母舅也監催各諸侯
財寶天下諸侯亦有遵旨解貢者亦有抗旨不

貢者。名諸侯發文書。會同起兵入朝。寔豹闕伯
姬訾腹三人。聞知諸侯有異心。抽兵連夜回朝。
將取得美女寶物。一半交帝。一半三人入巴亦
不奏知。諸侯起兵之事。帝將所貢之物。列於面
前。以美女充滿宮庭。朝夕宴樂。衆臣見堯八元
諫之不聽。俱緘口不言。矣未知若何。下回便見
衆諸侯廢摯立堯

第三十六回

話分兩頭。却說人皇氏朝。封有賜谷侯。乃黃神
氏之後。名黃冲。發文書。會各路諸侯。興兵入朝。

廢帝。衆諸侯得文書。各起兵。約定七月十五日。至帝都取齊。不知是那幾路諸侯。聽一一說來。

第一路。暘谷侯。人皇朝。黃神氏之後。姓黃。名冲。

第二路。汾睢侯。人皇朝。鉅霸氏之後。姓猶。名生。

第三路。大鴻侯。人皇朝。泰壹氏之後。姓樊。名高。

第四路。精氣侯。人皇朝。神民氏之後。姓通。名理。

第五路。蔽體侯。人皇朝。辰放氏之後。姓皮。名傳。

第六路。羣玉侯。太昊朝。大庭氏之後。姓庭。名立。

第七路。居陽侯。太昊朝。赫胥氏之後。姓葛。名重。

第八路利鄉侯太昊朝宋陸氏之後姓栗名志

第九路登陽侯太昊朝柏皇氏之後姓穆名赤

第十路能屬侯太昊朝吳英氏之後姓審名疑

第十一路青文侯太昊朝陰康氏後姓前名媼

第十二路武平侯太昊朝朱襄氏後姓朱名忽

第十三路營窟侯炎帝朝臨魁氏後姓閔名必

第十四路創制侯炎帝朝帝來氏後姓功名物

第十五路定火侯炎帝朝帝承氏後姓木名順

第十六路制度侯炎帝朝帝裏氏後姓克名戲

第十七路懋德侯炎帝朝帝明氏後姓熊名孫
第十八路起達侯炎帝朝帝宜氏後姓王名政
第十九路天水侯黃帝朝后土氏後姓左名蟻
第二十路定數侯黃帝朝命榮氏後姓鍾名協
其天下諸侯二十路各統人馬或五千或三千
者帶文武官僚俱趕七月十五日於頓丘地名
取齊是日衆諸侯陸續都到各相推讓坐定大
排筵宴賜各侯舉杯與衆侯曰今爲摯帝荒淫
重斂民財不聽堯諫故某發文書告知會列位

同正其罪。幸諸君皆至。先立盟壇。各歃血爲誓。來日入朝。務以廢立爲事。毋得心懷私意。不負黃帝之盛德也。衆侯皆曰。唯命是從。暘谷侯令排香案。各歃血誓畢。犒賞三軍。復坐暢飲而散。却說摯帝朝夕於後宮飲宴。醒而復醉。將取來美女百般作樂。左右聞衆侯消息。忙傳入後宮。帝被酒色迷亂。只是不出治政。次日衆諸侯蜂擁入朝。與堯八元文官百官相見。傳令鼓噪打入後宮。內臣急奏知。帝大驚曰。來者是那幾路。

諸侯內臣曰小臣不知但見朝堂徧地皆兵欲
打入後宮帝曰朕御林軍何在內臣曰先逃矣
帝曰堯王八元今在何處內臣曰皆在朝堂候
主上登殿帝見勢迫外又喊聲大振只得別后
妃被龍袍升殿羣臣諸侯拜舞畢帝曰朕未有
召命卿等至此有何話說衆侯齊聲奏曰天下
非我主之天下乃萬民之天下也今主公爲君
不恤下民使臣斂財荒淫無度民心皆變諸侯
共議言主不可管攝天下欲廢主上別立新君

以安萬民。摯帝怒曰。朕無大過。諸卿何此無禮。
廢朕。則誰可爲萬民之主。衆侯奏曰。爲善爲惡。
無不自知。陛下何必多問。臣等聞先帝皇太后
陳鋒氏名慶都。有赤龍之祥。孕十四月而生。堯
於丹陵。今有功浩大。無所不至。存心天下。加意
窮民。以汁爲羹。無鹽調和。雖以藜藿而食。亦不
嫌也。蒲草爲蓆。而無緣飾。臣等感戴不盡。今欲
立之爲君。以應民望。帝曰。卿等立朕之弟爲君。
此亦公正。但廢朕於何地。衆侯奏曰。陛下速降。

旨。宣堯爲帝。則天下萬民悅服。陛下有國封矣。
摯帝見勢不可爲。只得宣堯至殿前。帝曰。諸侯
言朕不德。推卿代朕之位。卿可應天順人。無負
民望。言罷。卽脫下龍袍。捧卽交堯。堯大驚。俯伏
奏曰。臣等曾諫主上。以天下爲務。主上不從。致
有今日之事。臣德薄無爲。不堪爲君。請陛下別
尋有德者讓之。帝曰。此非朕意。乃衆諸侯公舉。
必不虛妄。卿其勿辭。堯再四不從。叩頭出血。衆
諸侯見堯推讓不受。齊聲噉曰。今主不德。我等

亦爲百姓而來。止爲廢立。今摯帝知時讓位。我
主何必太謙。衆侯遂皆向前扶起堯帝。披上袞
衣。言曰。國不可一日無君。我主宜速正大位。以
安民心。羣臣扶堯帝登龍座。皆呼萬歲。歡聲滿
朝。衆侯羣臣奏曰。廢無道而立有道。望我主降
摯帝於何處。發付卽日起行。堯帝曰。爲人君而
荒淫勞民傷財。本該削職爲民。朕念手足之情。
封爲陶唐侯。容其改過自新。再若有亂國治二
罪俱罰。摯帝謝恩。卽往陶唐而去。摯在位九年。

堯帝命將後宮財物悉分各路諸侯回國以賑窮民。原各國取來美女仍命各諸侯帶回原籍。令其父母領去擇配。將媿訾腹斬首示衆。寔豹闕伯姑念手足各罷職爲民。重賞羣臣。大排筵宴。款待衆諸侯百官。大赦天下。次日衆侯百官入朝謝宴。不知堯帝爲君如何。下回便見。

附紀此人君廢立始也。諸侯羣會而行之則大公至正矣。知此義者其後惟伊尹霍光乎。

按鑑編纂開闢行錄通俗志傳卷三終

